

**Magbatok sa Atong Kasingkasing aron Motubo ang Diosnong Binhi sa Kinabuhi sa sulod Nato hangtod Mahamtong Ta sa Kinabuhi alang sa Pagtukod sa Dios diha sa Kinabuhi**

Basahong Kasulatan: Mat. 5:8; 13:3-9, 18-23; Prov. 4:23; Jer. 32:39; Efe. 3:16-17

- I. Batokan gyod nato ang atong kasingkasing diha sa kahayag sa presensya sa Ginoo aron motubo ang diosnong binhi sa kinabuhi sa sulod nato hangtod mahamtong ta sa kinabuhi; panagsagol sa sulodnong mga bahin sa tawo ang kasingkasing, ang punoang representante sa tawo, ang nagsilbing representante niya:**
- A. Hinimo ang atong kasingkasing sa tanang bahin sa atong kalag—sa hunahuna, pagbati ug pagbuot (Mat. 9:4; Heb. 4:12; Buh. 11:23; Juan 14:1; 16:22)—ug sa usa ka bahin sa atong espiritu—sa konsensya (Heb. 10:22; 1 Juan 3:20).
  - B. Magpulos lang ang paggamit sa espiritu kon aktibo ang atong kasingkasing; kon dili magpakabana ang kasingkasing sa tawo, mabilanggo ang espiritu sa sulod ug dili makapadayag sa kahimoan niini—Mat. 5:3, 8; Sal. 78:8.
  - C. Ang kalag mao ang persona mismo, apan ang kasingkasing mao ang nilihok nga persona; ang kasingkasing mao ang nagsilbing representante, ang nagsilbing tagdumala, sa tibuok natong pagkatawo.
  - D. Nag-agad ang mga kalihokan ug paglihok sa pisikal natong lawas sa pisikal natong kasingkasing; maingon man sab, nag-agad ang inadlaw natong pagkinabuhi, ang pagbuhat ug paggawi nato sa sikolohiyahon natong kasingkasing.
  - E. Ang kasingkasing maoy entrada ug gul-anan sa kinabuhi, ang “switch” sa kinabuhi; kon dili husto ang kasingkasing, maulang ang kinabuhi sa espiritu, ug dili gawasnon ug walay kaulangang makabuhay ang balaod sa kinabuhi aron makaabot sa tanang bahin sa atong pagkatawo; bisan may dakong gahom ang kinabuhi, gikontrol kining dakong gahom sa gamay natong kasingkasing—Prov. 4:23; Mat. 12:33-37; itandi sa Ezeq. 36:26-27.
- II. Magtukod sa iglesia nga Lawas ni Cristo ang pagtubo nato sa kinabuhi, nga mahitabo sa pagtubo ni Cristo nga binhi sa kinabuhi sa atong kasingkasing (1 Juan 3:9; 1 Ped. 1:23; Col. 2:19; Efe. 2:21; 4:15-16; Mat. 13:18-23); mobulig gyod ta sa Ginoo sa pagbatok sa atong kasingkasing aron maampingan kini sa mosunod nga mga kinaiya:**
- A. Gusto ang Dios nga mahumok ang atong kasingkasing:
    - 1. Kon batokan sa Dios ang atong kasingkasing, kuhaon niya ang kasingkasing nga bato sa atong unod ug hatagan tag kasingkasing nga unod, usa ka humok nga kasingkasing—Ezeq. 36:26.
    - 2. Nagpasabot kanang mahumok nga mapasakopon ug masinugtanon sa Ginoo ang atong kasingkasing, dili tikig-og-liog ug masupilon—itandi sa Exo. 32:9.
    - 3. Ang humok nga kasingkasing mao ang maayong yuta nga gawasnonng makatubo si Cristo; kasingkasing kini nga wala mogahi tungod sa pakighugoyhugoy sa kalibotan, wala magtinguha-sa-kaugalingon, ug walay kabalaka sa panahon ug pagkamalimbongon sa bahandi—Mat. 13:3-9, 18-23.
    - 4. Pahumokon sa Dios ang atong kasingkasing pinaagi sa paggamit sa Iyang gugma aron matandog ta; kon dili ta matandog sa gugma, gamiton Niya ang Iyang kamot pinaagi sa palibot aron disiplinahan ta hangtod mahumok ang atong kasingkasing—2 Cor. 5:14; 4:16-18; Heb. 12:6-7; itandi sa Jer. 48:11.

- B. Gusto ang Dios nga maputli ang atong kasingkasing:
1. Ang putling kasingkasing kasingkasing man nga nahigugma ug ganahan sa Dios; gawas sa Dios, wala kiniy laing gihigugma, giganahan, o gitinguha ba—Mat. 5:8; Sal. 73:25; itandi sa Jer. 32:39.
  2. Bug-os gyod unta ang atong kasingkasing alang sa Dios aron wala tay kahadlokan gawas nga makasilo ta Niya ug mawad-an sa Iyang presensya—Sal. 86:11; Isa. 11:1-2.
  3. Ang pagkaputli sa kasingkasing dunay usa ra ka tumong nga mao ang paghuman sa kabubut-on sa Dios alang sa Iyang himaya; ang tumong nato mao gyod ang kinahingpitang pagpahimulos ug pagpakabaton kang Cristo—Fil. 3:7-14.
  4. Mopursigir gyod ta ni Cristo “uban sa mga nagtawag sa Ginoo gikan sa putling kasingkasing”—2 Tim. 2:22; 1 Tim. 1:5; Sal. 73:1.
- C. Gusto ang Dios nga magmahigugmaon ang atong kasingkasing:
1. Ang mahigugmaong kasingkasing kasingkasing man nga ang pagbati nahigugma sa Dios, ganahan sa Dios, giuhaw sa Dios, ug nangandoy sa Dios, dunay personal, mabination, pribado ug espirituhanong relasyon sa Ginoo—42:1-2; A. A. 1:1-4.
  2. Sige gyod natong iliso ang atong kasingkasing sa Ginoo ug mapadayonon kining bag-ohon aron duna tay bag-o ug lunhawng paghigugma sa Ginoo—2 Cor. 3:16.
  3. Nagsugod sa gugma sa kasingkasing ang tanang espirituhanong kasinatian; kon dili ta mahigugma sa Ginoo, dili gyod ta makadawat og bisan unsang espirituhanong kasinatian—Efe. 6:24; Bug. 2:4-5.
  4. Ang paghigugma nato sa Ginoo magpaangayan, maghingpit, ug magsangkap nato nga mamulong alang sa Ginoo ginamit ang Iyang pagbulot-an; kon bug-os tang mahigugma sa Ginoo, mapuno ug mag-awas ta Niya—Juan 21:15-17; Mat. 26:6-13; 28:18-20.
- D. Gusto ang Dios nga magmalinawon ang atong kasingkasing:
1. Ang malinawong kasingkasing kasingkasing man kansang konsensya walay pagtuto, paghukom o kaulawan ba—Buh. 24:16; 1 Juan 3:19-21; Heb. 10:22.
  2. Kon isugid nato ang atong mga sala diha sa kahayag sa presensya sa Dios, madawat nato ang Iyang pagpasaylo ug paghugas aron mapahimuslan nato ang walay pagkabugto nga pakig-ambitay sa Dios nga dunay maayo ug putling konsensya—1 Juan 1:7, 9; 1 Tim. 1:5; 3:9.
  3. Ang resulta sa pagpakig-ambitay nato sa Dios diha sa pag-ampo mao nga mapahimuslan nato ang Iyang kalinaw, nga mao ang Dios nga kalinaw nga magbantay sa atong kasingkasing ug mga hunahuna diha ni Cristo nga nagpakalma ug naghimo natong malinawon—Fil. 4:6-7.
  4. Pahunayon gyod nato ang kadait ni Cristo sa atong kasingkasing pinaagi sa pagpasayloay sa usag usa aron isul-ob ang usang bag-ong tawo—Col. 3:13-15.

### **III. Kinahanglan natong makita ang mga babag nga nahinagbo sa kinabuhi sa Dios diha sa atong kasingkasing:**

- A. Ang unang problema nga nahinagbo sa kinabuhi sa Dios sa sulod nato mao nga wala ta makaamgo sa kangitngit sa tawhanong mga hunahuna nato—2 Cor. 3:14; 4:4:
1. Kinahanglan natong makita nga ang bugtong butang nga mahinungdanon sa Cristohanong kinabuhi mao ang pagtagad nato sa buhing Cristo sa sulod nato—Gal. 1:16; 2:20; 4:19; Fil. 1:19-21; 2 Cor. 3:18.

2. Nagpasabot kanang ma-Cristohanon nga himoon ra gyod nato si Cristo nga tumong nato; naglisod ang daghang tawo sa espirituhanong kinabuhi nila human sila maluwas kay wala man sila masayod sa dalan sa kinabuhi, ug wala nila gihimo si Cristo nga ilang kinabuhi—Rom. 8:6.
- B. Ang ikaduhang problema nga nahinagbo sa kinabuhi sa sulod nato mao ang pagminaot—Mat. 6:2, 5; 7:5; 23:13-29:
1. Dili matino sa panagway ang pagkaespirituhanon sa tawo kondili sa pagtagad niya ni Cristo nga nagpuyo sa sulod.
  2. Bakak nga pagkaespirituhanon ang natural nga kaayo nato ug dako gyong kaulangan sa kinabuhi; ang pagpadayag sa kinabuhi naglakip sa pagsalikway sa natural nga disposisyon ug gusto nato ug papabuhaton lang si Cristo sa sulod nato ug magpadugmok ta.
  3. Kon kanunay tang nagbuhat sa mga butang segun sa disposisyon ug natural nga pagkatawo nato, pagminaot gyod ang lugwa niini.
- C. Ang ikatulong problema nga nahinagbo sa kinabuhi sa sulod nato mao ang pagsupil—2 Cor. 10:4-5:
1. Nagbuhat ug naglihok si Cristo sa sulod nato aron maklarohan ta sa kabubut-on ug mga gipangayo Niya kanato ug sa paggiya ug pagbatok Niya kanato.
  2. Apan, kon dili ta mosugot ug mosupak hinuon sa pagbati sa sulod, dili magpagiya Niya o mobayad bag bili, pagsupil kining dili pagsugot ug pagsupak.
  3. Dili dayag ug makita ang sala nga sagad ug grabe natong gibuhat; sala hinuon kini sa pagsupak sa pagbati ni Cristo sa sulod nato; nabuhi si Cristo sa sulod nato, ug kanunay Siyang naghatag natog sulodnong pagbati sa kinabuhi—Rom. 8:6; 1 Juan 2:27; itandi sa Efe. 3:1; 4:1; 6:20; 2 Cor. 2:12-14.
- D. Ang ikaupat nga problema nga nahinagbo sa kinabuhi sa sulod nato mao ang natural nga kahimoan nato:
1. Daghang igsoon ang tinuod gyong nahigugma sa Ginoo, masiboton alang sa Ginoo, ug diosnon kaayo; bisan pa niana, ang kinadak-ang problema nila mao ang kusganon ug dakong mga kahimoan nila; tungod niini, walay luna o paagi ba si Cristo diha nila.
  2. Makahimo ug utokan tingali kaayo ta, apan wala nato isipa kining mga butanga nga sala o kahugawan ba; imbis motamay sa natural nga mga kahimoan nato, gimahal nato kini; kon magpabilin kining wala madugmok sa sulod nato, mahimo kining problema sa kinabuhi ni Cristo.
- E. Kon gusto nato nga dili maulang ang kinabuhi ni Cristo sa sulod nato, sination gyod nato ang pagdugmok sa krus ug pabatokan ug ipakuha kining mga baba-ga—Mat. 16:24-25.

#### **IV. Kinahanglan natong makita ang subjectibong mga babag nga nahinagbo sa kinabuhi sa Dios diha sa atong kasingkasing:**

- A. Ang unang subjectibong problema mao ang problema sa atong salabotan:
1. Kon naggikan sa atong mga hunahuna ang mga butang nga gusto natong buhaton, nan, relihiyosong mga kalihokan lang kining mga butanga, bisan pag malamposon kini; dili kini panghimatuod ni Cristo nga gikinabuhi sa atong espiritu—itandi sa Fil. 2:5; 1 Cor. 2:16; Efe. 4:23; Rom. 12:2.
  2. Bisanaa sa sulod nato ang kinabuhi ni Cristo, wala ta mobulig niini sa atong mga hunahuna ug mga pagbuhat, ug mao nga dili nato makinabuhi kining kinabuhia.
  3. Kon mapatumong ang atong salabotan sa espiritu, mouyon ang dayag natong mga pagbuhat sa tawo nato sa sulod, ug walay panagsumpaki tali nato

ug sa Dios; malinawon Siya ug kita, dili mag-away; ang resulta mao nga malinawon ta sa sulod—8:6.

- B. Ang ikaduhang subjectibong problema mao ang problema sa atong pagbuot:
  - 1. Bisan sagad nga makasabot ang atong salabotan sa tuyo sa atong espiritu, ug nasayod ta sa kabubut-on sa Dios, dili ta buot magpasakop ug mosugot.
  - 2. Nakasabot, nasayod, nakatugkad, ug lalom tingali natong nabati nga dunay ipabuhat ang Ginoo kanato, apan dili magpasakop ug motugyan ang atong pagbuot, ug nawad-an ta sa presensya sa Ginoo.
  - 3. Mga babag sa kinabuhi sa Dios ang kusganong pagbuot ug maluyahong pagbuot nga motuman sa kabubut-on sa Ginoo; kusganon ug mapahaomon ang pagbuot nga nabatohan na pinaagi sa pagbuntog ug pagbanhaw sa Ginoo; importante kanang dunay pagbuot nga makabulig sa Dios—Fil. 2:13.
- C. Ang ikatulong subjectibong problema mao ang problema sa atong pagbati:
  - 1. Kinahanglan nga dunay pagbati sa Dios ang pagbati nato, ug hingpit gyod unta tang makasulod sa pagbati sa Dios—2 Tes. 3:5; Fil. 1:8.
  - 2. Mahigugma gyod ta sa bisan unsang gihigugma sa Dios, ganahan sa bisan unsang ganahan sa Dios, ug magdumot sa bisan unsang gidumtan sa Dios; mahimo gyod untang usa ka pagbati ang atoang pagbati ug Iyahang pagbati—Efe. 5:25; 2 Cor. 12:15; 1 Cor. 16:24; Bug. 2:6; Fil. 1:8.
- D. Kinahanglan tang malig-onan sa tawo sa sulod adlaw-adlaw aron makabalay si Cristo nga kinabuhi sa ulohanong mga bahin sa atong kasingkasing—atong hunahuna, pagbuot, ug pagbati—Efe. 3:16-17.

**V. Kaluy-an unta ta sa Ginoo ug ablihan ang atong mga mata aron makakita nga ang sentrong buhat sa Dios ning panahona mao nga makabaton ang tawo sa Iyang kinabuhi ug motubo ug mahamtong sa Iyang kinabuhi; ang buhat nato mao gyod ang pagpaambit ug pagsangkap sa kinabuhi sa Ginoo ngadto sa uban; ang buhat ra nga naggikan sa Iyang kinabuhi ang makakab-ot sa walay kataposang sukdanan Niya ug kahinangpan Niya—Juan 7:37-39a; 2 Cor. 4:10-12; 1 Juan 5:16a; 2 Cor. 3:3, 6.**